

4

DISSERTATIO IVRIDICA
DE
PRAESCRIPTIONE
PETITIONIS HEREDITATIS
PATERNAE ET AVITAE

QVAM
PRAESIDE
CHRISTOPH· LVDOV· CRELLIO D
INSTITVT· IVSTINIANEARVM P· P· ORDINARIO
CVRIAE PROVINC· ET SCABINATVS ASSESSORE
ORDINIS IVRIDICI VITEMBERGENSIS
H· T· DECANO

AD D. XVII. OCTOBR. ANNO QVAM SALVS PARTA EST clō lccXXXVIII

IN AUDITORIO ICTOEVN

DEFENDET

A V C T O R
GOTTLOB ERDMANN
MANSFELDENSIS

VITEMBERGAE
EX OFFICINA SCHEFFLERIANA





I

DISSENSIONES INTERPRETVM
IN IVRISPRUDENTIA



UNQVAM in Republica litteraria;
quorum opiniones inter se cer-
tarunt, et qui in diuersas partes ab-
ierunt, homines defuisse, tot uete-
res lites ad nostra usque tempora
protractae comprobant

Neque ulli disciplinae contigit
esse tam felici, ut ab altercationi-
bus et dissensionibus cultores eius abstinerint; sed
omnes unam eandemque sortem expertae, sententiis
semper singularibus perturbatae sunt. Ex hac enim
dissensione, quod M. Tullius a) ait, illa, qua VERITAS
ipsa LIMATUR in DISPUTATIONE, SVBUTILITAS enata
est

Tantum itaque abest, ut Iurisprudentiae haec macu-
la abstergi possit, ut potius a suis fere incunabulis

a) Cic. Off. II. c. 10.

aluerit, diuersa in interpretando respondendoque praecepta et principia secutos. Certe TULLIVS a) non exiguam partem iuris ciuilibis AMBIGVAM esse, censet. In eo enim iure, inquit, quod AMBIGITVR, inter peritissimos, non est difficile oratori, eius partis, quamcunque defendat, auctorem aliquem inuenire; a quo cum amentatas hastas acceperit, ipse eas oratoris lacertis et viribus torquet

II

AB ANTIQVISSIMIS TEMPORIBVS VARIATVM EST
IN IVRISPRVDENTIA

Sub Augusto Imperatore iam iam C. Ateius Capito et M. Antistius Labeo duarum in hac disciplina Sectarum, iuxta l. 2. §. 47. D. de Or. iur. auctores fuerunt, conf. Em. Merill. Obs. l. 2. Euer. Otto de Sectis I Ctorum. Quapropter Imperator, multae in iure specificationis inter SABINIANOS ac PROCVLIANOS, de quarum Sectis GOTTER. MASCOVIUS accuratissime scripsit, AMBIGVITATIS §. 25. l. de rer. diu. facit mentionem. Ipse PAPINIANVS, illud, quod ipsi l. 7. D. de seru. export. de poena conuentionali, instrumento emptionis de seruo exportando adiecta, placuerat, l. 6. D. eod. RETRACTAVIT, cum a SABINO in contrariam partem uocaretur. Imo uero VLPIANVS, ipsum SABINVM, sectae auctorem, cum de iure accrescendi tractaretur, VARIASSE, l. 7. D. de Hered. Instit. itemque alios Iureconsultos, de seruo uulnerrato, qui postea periit, VARIE respondisse, l. 15. §. 1. D. ad L. Aquil. obseruauit

III

a) Cic. L. I de Orator. c. 57.

III

PRAESCRIPTIO HEREDITATIS PATERNAE
ET AVITAE

Sic discrepantia opinionum inter Doctores una cum Iurisprudentia fere Romana pullulauit, successu temporis creuit, et tandem ita inualuit atque adolevit, ut nullum fere argumentum, et nulla ullius legis particula, disputationum aleam euaserit, sed omnia interpretum disceptationibus mirifice uexata sint. Quo maior enim praestantissimorum uirorum fuit prouentus, eo maior inter illos aemulatio, quam studium rectius sentiendi excitauit et aluit, eoque frequentior cum uictoriae cupiditate inter interpretes dissensus: Vt in multis omnino causis iure incertissimo utamur. Inprimis uero de annis praescriptionis, qua hereditatis petitio, paterna atque auita excluditur, inter omnes fere uariatum. Operae pretium facturum esse uideor, si incertitudinem iuris in hoc argumento, et diuersa Doctorum principia et opiniones varias, diligentius excutiam, atque uerum et genuinum praescriptionis, ad excludendam PETITIONEM HEREDITATIS PATERNAE ET AVITAE, fontem cum cura inuestigem

IV

ACTIONES DE IVRE HEREDITARIO

SED in campo huius disputationis uiculae imitabor illos, qui metam certatim petunt, et, priusquam excurrant, antea spatium designant, et terminos finesque describunt,

intra quos de palma inter se contendant. Igitur actiones brevibus attingam, quas heredes ius hereditarium consecuti contra hereditatis habent possessores. Non enim cuius licet *IPSAM HEREDITATEM* petere, et solam interdum eius *POSSESSIONEM* desiderare sufficit heredi. Inde accidit, ut heredi uel actiones *POSSESSORIAE*, uel *PETITORIAE*, subinde dentur a praetore, prout uel ad hereditatis *POSSESSIONEM* uel ad ipsum ius hereditarium adspirat atque animum intendit. Quandoquidem ineptum est, de *IURE* illum disceptare, qui, sine perplexa illa disputatione, possessionem eius rei, quae ad se pertinet, nancisci possit. Enim uero, si *NERATIVUM* audiamus, l.i. §. i. D. d. *Aqu. uel amitt. possess.* antiquior est naturalis rerum *POSSESSIO*, ex qua *Dominia*, et cetera *IURA REALIA*, coeperunt

V

REMEDIA POSSESSORIA
AD HEREDITATEM CONSEQUENDAM

POSSESSORIAE actiones, quod notum est, uel ex Iure Ciuili, uel ex Praetorio descendunt. Inprimis frequentatur Remedium ex *l. ult. C. de edict. D. Hadr. toll.* quod Iure Ciuili constitutione principis introductum est, ut heres in testamento, uitium uisibile non habente, scriptus, in omnium rerum hereditariarum, quae tempore mortui testatoris adfuerunt, possessionem, exceptionibus aduersarii ad petitorium reiectis, a Iudice mittatur. Neque locus est dubitationi, etiam *PIAE CAUSSAE*, ex testamento, quod solus duntaxat testator, non adhibitis

litis testibus subscripserit, illud remedium competere. Saluum enim est testamentum ad pias causas, si de uoluntate testatoris constet. Igitur testamentum a testatore subscriptum nullo uitio uisibili laborat. Contra, *Interdicta quorum bonorum*, et *quod legatorum*, *praetoris beneficio debentur*. Illud datur heredi uel bonorum possessori, a magistratu confirmato, contra eum, qui uel pro herede, l. 1. C. *quor. bon.* uel pro possessore hereditatem possidet, l. 1. D. *quor. bon.* ad consequendam eius possessionem.

Hoc uero heredi contra legatarium, qui rem legatam non ex eius uoluntate, sed propria sibi auctoritate, uindicauit, accommodatur, ad possessionem rei legatæ restituendam, ut de Falcidia sit securus. l. 1. §. 1. et 2. D. l. 1. C. h. t. Sed de his quidem copiosius omnes interpretes artis nostrae tradiderunt, quos exscribere non uacat. Vnum attinet monere, ne quis cum *remediis possessorii*, quæ heredibus dari solent, *possessoriam hereditatis petitionem*, quam praetor introduxit, et qua magis iura petitorii tractantur, temere confundat. Per hanc enim hereditatis petitionem, quod *Gaius* ait, l. 2. D. *de Possessor. hered. petis.* bonorum possessor tantundem consequitur, quantum ciuilibus actionibus heres consequi potest. Igitur *possessoria appellatur*, quia Praetor eam dedit illis, quos ipse *uelut heredes facit*, hoc est, quibus *bonorum possessio data est*: quod *Ulpianus* obseruauit. l. 1. D. *ead.*

VI

CIVILES ACTIONES AD HEREDITATEM
CONSEQVENDAM

SED magis conuenit, de actione petitoria, quae κατ' ἐξοχὴν HEREDITATIS PETITIO dicitur, tractare, ut commodius perficiamus institutum. Haec actio MIXTA est, et heredi aduersus eum, qui aut totam hereditatem, aut quasdam tantummodo hereditatis partes, uel pro herede uel pro possessore possidet, eiusque successores, competit, ut hereditas aut pars hereditatis cum accessionibus restituatur.

MIXTAM enim CAUSSAM habere uidetur, l. 7. C. de pet. her. quia quatenus ex iure hereditatio descendit est realis, seu, quod ULPIANVS ait, l. 25. §. 18. D. de heredit. pet. in rem quidem actio est, sed habet tamen PRAESTATIONES quasdam PERSONALES, idest, personalis est, quatenus ex quasi contractu administratae hereditatis oritur, qui possessorem obstringit, ut fructus ex hereditate aliena perceptos restituat, damna sarciat, l. 25. §. 18. D. de her. pet. et nec ipse fiat locupletior, nec heredem rei familiaris detrimentum sentire patiatur

VII

DIVERSITAS REMEDIORVM CIVILIVM
AD HEREDITATEM CONSEQVENDAM

DIVISIONES et subdiuisiones remediorum, quibus hereditas petitur, quas plurimi enarrauerunt, et in primis Illustris Bergerus in Oec. iur. L. II. T. IV.

§. 54.

§. 54. duntaxat extremo digito, quod aiunt, indicabo. Constat uero, HEREDITATIS petitionem, si CAVSSAM EFFICIENTEM REMOTAM respicias, uel CIVILEM uel PRAETORIAM, aut, si OBJECTVM cogites, uel VNIVERSALEM uel PARTICVLAREM, quae pars hereditatis petitur, uel si ad CAVSSAM EFFICIENTEM PROPINQVAM animum advertas, uel ORDINARIAM esse, seu directam uel EXTRAORDINARIAM, quam et utilem appellant. Ordinariam denique in GENERALEM et SPECIALEM seu QUALIFICATAM, GENERALEM in DIRECTAM et OBLIQVAM diuidi, in uulgus notum est: ut superuacuum sit, quae alii centies dixerunt, hoc loco, praeter institutum, enarrare. Magis ad rem praesentem pertinebit, si admonuero, HEREDITATIS PETITIONEM a subiecto actiuo diuidendam esse in illam, quae GENERALITER OMNIBVS heredibus competit, et eam, quae LIBERIS AC NEPOTIBVS contra hereditatis PATERNAE uel AVITAE possessores datur. Et haec ipsa est, de cuius dubia praescriptione diligenter exponere uisum est

VIII

PRAESCRIPTIONIS INTRODVCTAE
CAVSSA

PRAESCRIPTIONEM non duntaxat in odium negligentiae, sed magis fere bono publico, inductam esse, expeditum est, ne rerum dominia incerta semper maneant, et ut lites aliquando finiantur; cum sufficeret dominis ad inquirendas res suas statuti temporis spatium, ideoque, qui illud neglexit, magis de se, quam de lege,

B

con-

conqueri deberet. Ita enim GAIUS l. 1. D. *de usurp. et usuc.* nec non NERATIUS l. 5. pr. D. *pro suo*, de illo argumento tradiderunt.

Neque tamen NATURALIS ratio multum illis fauet, qui PER TEMPVS LONGIVS res suas inquirere et inuestigare neglexerunt. Ex ipsa enim NEGLIGENTIA apparet, facile dominum CARERE illis rebus POSSE, quas per tantum temporis spatium non inuestigauit. Sed natura nemini obtrudit, quod non ad NECESSITATEM et COMMODITATEM cuiusque pertineat, et quo FACILE CAREAT, sine insigni detrimento. Inprimis actiones, quibus HEREDITAS petitur, tanto facilius iure gentium PRAESCRIPTIONE tolli possunt, quanto certius hereditates NATURALIS RATIO ignorat, et quanto magis illae ad LVTRA pertinent; quae si nostra culpa perierint, nulla causa idonea est, de duritie legum conquerendi

IX

VARIETAS ICTORVM IN DEFINIENDO SPATIO
PRAESCRIPTIONIS
QVA HEREDITAS PATERNA ET AVITA
AMITTITVR

SED inpraesentiarum quidem uacat disquirere, QVONAM TEMPORE PETITIONI HEREDITATIS PATERNAE et AVITAE praescribatur. Dici non potest, quanta fuerit dissensio interpretum in illo argumento. Quidam fere LIBEROS a PETITIONE HEREDITATIS PATERNAE ATQVE AVITAE NONAGINTA demum, imo, CENTVM ET VIGINTI ANNIS excludi, sine rubore affirmarunt. Ipsum MATTH. WESENBECCIUM, celeberrimum quondam ICTORUM, illum errorem errauisse uideo: qui

qui, in *Vol. Tract. et Respons. suorum* l. Conf. XI. n. 44. „Libe-
 „ris, ait, cum succedant ex tribus capitibus, nempe, unde li-
 „beri, unde legitimi, et unde cognati, praescriptionem he-
 „reditatis, XXX. uel XXXX. annorum non currere, sed de-
 „inum ex spatio praescriptionum triplicato XC. annorum.
 Et id ipsum, communi *Gloss. ac DDrum ad l. 1. C. qui*
admitti, et l. 8 C. de iur. delib. sententia, itemque iudicio
 BALDI in *Tract. praeser. P. IV. part. 4. princ. quæst.*
19. n. 6. suffultum *Conf. XLII. eiusd. Vol. n. 106.* repetit
 atque diligentius confirmat. Ad quam sententiam etiam
 PHILLIPPI L. III. eclog. 34. *Obs. pract. Inst. CARPZO-*
vivs P. III. Conf. XIV. def. 30. ANT. GABRIEL de *praes-*
script. Concl. IX. n. 3. SAM. STRYCK in *annot. ad. Lau-*
terb. Tit. de her. pet. in fine, aliique summi et eruditione
 elegantissima conspici, atque in decidendis iuris contro-
 versis felicissimi iurisconsulti accesserunt; ut triplicem
 hanc praescriptionem partim approbent, partim funda-
 mentum eius praxi, Responsis Dicasteriorum, usuque
 fori, et iudiciorum observantia, confirment. Quid,
 quod et ipse BRUNNEMANNVS ad l. 8. C. de iure delib.
 ab illa opinione non alienus sit, sed illi lapillum adiicere
 omnino uideatur. Hic enim, dum de illa specie, an filio, qui
 intra aliquot annos se paternae hereditati non immiscuit,
 et post decem annos eam vindicat, exceptio praescriptio-
 nis efficaciter opponi possit, disputat, tandem negat, huic
 praescriptioni locum esse, sed, filium intra triginta annos
 eam adhuc adire posse, imo nec longissimi temporis praes-
 criptione ab ea excludi, arbitratur

X

RATIONES IMAGINARIAE
 QUIBVS PRAESCRIPTIO NONAGENARIA
 DFEENDITVR

SED possit quis non immerito mirari, quid in mentem uenerit uiris optimis et in arte sua summis, ut de **LIBERORVM HEREDITATE AVITA ET PATERNA** tam liberaliter sentirent, et plus fere ingenio tribuerent, quam legi, et ciuilibus praeceptis, quae prorsus ignorant nonagenariam praescriptionem. Quod cum illi intelligerent, ad fisiones confugerunt, ut cum Themide et Musis in gratiam redirent. Comminiscuntur enim **TRIPlicem HEREDITATIS PETITIONEM**, quae liberis ab intestato succedentibus competat, ad bona paterna et auita uindicanda, et nullam altera consumi, sed aliam post aliam illis tribuendam esse, altera per praescriptionem consumpta, alteri, et hac elisa, tertiae locum esse, aiunt, ita spatium **NONAGINTA ANNORVM** conficiunt. Quod ne fine colore dixisse uideantur, ius **TRIPLEX** concurrere in persona **LIBERORVM**, tradunt: **PRIMVM SVITAIS**, ui cuius propter **VNITATEM PERSONAE**, in quam cum parentibus et auis ciuilitate coalescunt, non tam parentibus succedere uidentur, quam **SVVM** potius, post mortem patris, uindicare: **SECVNDVM** ius **AGNATIONIS**, propter quod omnibus aliis heredibus praefereendi sunt: tertium **COGNATIONIS**, quo et ipso uocantur ad adscendendum hereditatem. Ideoque primo illos, intra **XXX.** annos, ut heredes suos, postea intra alios **XXX.** ut **AGNATOS**, et, si hoc neglexerint, intra alios **XXX.** annos experiri posse, censuerunt. Imo uero, si

si a patre TESTAMENTO scripti fuerint heredes, QVARTAM, aiunt, hereditatis petitionem illis dari, propter QVARTVM, qui accefferit, respectum, et uim testamenti, ex quo illis perXXX.alios annos actio tribuenda sit: ut intra CENTVM ET VIGINTI ANNOS ad bona paterna et auita uindicanda adspirare posse uideantur. Sed hi quidem omnes, qui ita sentiunt, in primis ad PRAETORIS confugiunt auctoritatem, qui et ipse TRES fecit ORDINES HEREDVM in SVCCESSORIO EDICTO, et, teste VLPIANO l.I. §. II. D. *de success. edict.* liberos, si intra annum, quo sui heredes et liberi in defuncti potestate constituti uocabantur, uel non agnouerint, uel repudiauerint hereditatem, postea illos admittit, ut sibi ipsis succedant, et, elapso priori spatio, in SECVNDO ORDINE, VNDE LEGITIMI, et si hunc neglexerit, in TERTIA PARTE SVCCESSORIA, VNDE PROXIMI COGNATI, liberorum habet rationem; ut TRIPLEX illis petendae HEREDITATIS AVITAE ET PATERNAE spatium competat. De quo argumento deinceps locus erit exponendi

XI

SICHARDI SENTENTIA SINGVLARIS

PAVLLO modestior et uerecundior est Io. SICHARDVS, qui et ipse quidem liberis, paternam et auitam hereditatem petentibus, praescriptionis tempus, quo hereditatis petitio alias excluditur, laxauit, sed intra angustiores tamen terminos liberorum ius continuit, qui ad parentum hereditatem, elapso praescriptionis tempore, adspirant. Ille enim ad l. 2. C. *qui adm. ad bon. possess.* poss. ipse etiam PRAETOREM sequitur, qui LIBERIS ac
A 3 paren-

parentibus, ANNVM, intra quem bonorum possessionem petant, ceteris cognatis CENTVM dedit DIES, l. 1. §. 12. *D. de Succ. ed.* tempusque hoc esse VTILE, i. e. scientibus duntaxat currere, constituit. l. 10. *D. de bon. possess.* l. 2. *D. quis ordo in poss. seru.* l. 2. *C. qui admit. ad bon. poss.* Ex qua parte edicti satis acute se collegisse putauit, triginta annorum praescriptione a petitione hereditatis exclusos, Iure Praetorio, adhuc intra annum, si sint liberi, sin cognati, intra centum dies bonorum consequi posse possessionem : ut post triginta annos hereditate quidem ciuili, sed nondum tamen praetoria, omnino excludantur

XII

DILVUNTUR ILLORVM ARGVMENTA
QVI NONAGENARIAE PRAESCRIPTIONI FAVENT,
ET RESPONDETUR AD l. 1. §. II. D
DE SVCCES. EDICTO

IN tanta uarietate, non dissimulo, non deesse omnino quaedam argumenta, quae nos mouere possint, vt LIBERIS inprimis FAVEAMVS. Agnoscit VLPIANVS l. 1. §. 12. *D. de success. Edict.* non ARCTANDOS ESSE LIBEROS, qui pene AD PROPRIA BONA VENIUNT, dum parentum hereditatem petunt. Ipsam illud CONDOMINIUM rerum paternarum, quod liberis in potestate constitutis tribuitur, ipsa illa VNITAS PERSONAE, suadet, ne facile liberi hereditate parentum excludantur. GERMANI certe, apud quos olim, cum simplicitatem naturae sequerentur, nullae hereditates, nulla testamenta erant, tamen SVOS cuique LIBEROS heredes esse uoluerunt.
ita

Ita enim TACITVS tradit c. XX. *de Morib. German.* Accedit NATVRALE VOTVM omnium parentum, qui bona sua ad sanguinem suum, et liberos, quorum caussa tot illa sudoribus et uigiliis quaesuerunt, peruenire cupiunt. Denique ex ipso illo successorio Edicto, cuius antea mentionem feci, intelligitur, praetorem noluisse, ut liberi a bonorum possessione, una duntaxat praescriptione, excludantur, sed TRES ILLIS ORDINES, TRIA SPATIA, dedisse: quorum uno, si propter temporis lapsum, ad hereditatem peruenire nequeant, per reliquos gradus, intra constituta tempora, ad illam admittantur. Vt non incommode a petenda BONORVM POSSESSIONE AD IPSAM HEREDITATIS PETITIONEM duci posse argumentum uideatur.

Sed, ut profitear, quid sentiam, POSSET forte, legislatoris potestate, propter liberorum MISERATIONEM, CONSTITVI, ut, post praescriptionis tempus, ad hereditatem admittantur. At uero IURECONSULTIS non licet ultra fines INTERPRETATIONIS potestatem suam proferre. Largior, liberos SVOS, esse CONDOMINOS rerum paternarum. Sed VERI etiam DOMINI possessiones suas PRAESCRPTIONE legitima amittunt. Neque VOTVM parentum prohibere potest, ne liberis VA NEGLIGENTIA bonorum paternorum iacturam patiantur. Denique ex EDICTO SUCCESSORIO DE BONORVM POSSESSIONIBVS, et generaliter ab hereditate illa PRAETORIA, pessime ad hereditatem LEGITIMAM et CIVILEM ducitur argumentum. Ipse VLPIANVS l. i. §. 12. D. de *success. Edict.* liberos IDEO post PRIMVM ordinem, in secundo et tertio adhuc admittendos esse, ait, quia ANNVS duntaxat illis praefinitus sit, ad bonorum possessionem impetrandam, et iniquum uideatur, tam breui illos spatio

tio excludi. Sed HEREDITATIS PETITIO, de qua tractamus, ciuilis est, et tricenaria l. 7. C. de petit. hered. de cuius temporis angustia liberi iuste conqueri non possunt

XIII

PATRONI VERIORIS SENTENTIAE

NEQUE uero inter magistros artis nostrae defuerunt, qui olim intelligerent, nihil EDICTVM SUCCESSORIVM ad PETITIONEM HEREDITATIS CIVILEM pertinere, adeoque male illos agere, qui propter triplex illud spatium Praetorium, liberis ad agnoscendam bonorum possessionem datum, triplicem illis hereditatis petitionem ciuilem, et triplex ius praescriptionis, tribuerunt. Quo in numero inprimis commemorandi sunt, Viri in arte nostra summi, ANTONIVS FABER in COD. L. VI. T. XI. def. 3. et BERGERVS in *Oec. Iur.* L. II. T. IV. §. 53. n. II. Illi, inquam, olim obseruarunt, Praetorem, ex bono et aequo iudicantem, per successorium Edictum IDEO triplex liberis concessisse possessionem bonorum petendi in tribus ordinibus spatium, quia tempora admittendae bonorum possessionis BREVISSIMA fuerunt: et, ne sit, de quo liberi, suam quodam modo hereditatem petaturi, iuste conquerantur, tandem obtinuisset, ut, si tempore annuo ab una parte successoria exclusi essent, ex alia succedant. l. c. *D. succ. ed.* Sed cum ciuilis petitionis hereditatis tempora sint longissima, non est idonea ratio, cur illud, quod Praetori propter temporis breuitatem in beneficio PRAETORIO placuit, ad amplissimum tempus hereditatis petitionis ciuilis, extendatur. Sed fortasse seduxit nagenariae huius praescriptionis defensores, quod succes-

successionem Praetoriam iure nouo propter Nou. 118. minus frequentari, censuerunt : ideoque ipsi sum est, fauorem liberorum in petenda hereditate patria, quem Praetor olim admisit, ciuili etiam successioni accommodari posse: ne frustra Praetor liberos aliis heredibus in definiendo spatio praescriptionis praetulisse uideatur. Vnde enata est illa multorum sententia, filium, qui intra primos triginta annos hereditatem parentis agnoscere noluit, tanquam filius, eam intra sequentes alios triginta annos adire, ut agnatum, tum, iis quoque elapsis, intra totidem alios, tanquam cognatum illam sibi vindicare posse

XIII

NULLI SVBLATVM EST TEMPVS
 PRAESCRPTIONIS ORDINARIAE
 IN HEREDITATIS PATERNAE PETITIONE

Verum enim uero obloquitur patronis causae aduersae l. 3. C. de praeser. 30. l. 40. ann. quae omnes actiones ciuiles, siue reales, siue personales fuerint, sub quibus et hereditatis petitio, iuxta l. 7. C. de per. hered. quia mixta est, comprehenditur, nisi breuiori spatio, certe regulariter TRIGINTA annorum praescriptione excludi iubet, ad litium aeternitatem intercipiendam. Neque uero fas erat, propter imaginarium fauorem et miserationem liberorum, ausu proprio, petitionem hereditatis paternae et auitae, inaudito exemplo proferre ad annos nona-

a Praetore concessum, quod anno terminatur, l. 1. §. 12. D. de succ. ed. et l. 4. §. 1. D. quis ord. in bon. poss. per tempus longius sine causa idonea proferri posse

XV

COMMENTVM PRAESCRIPTIONIS
ANNORVM CXX

Ex his quae adhuc disputata sunt, intelligitur, adhuc longius illos a recto defecisse, qui FILIOS TESTAMENTO paterno uel auito heredes scriptos CENTVM ET VIGINTI ANNORVM habere praesidium, arbitrati sunt, priusquam ab hereditate PATERNA aut AVITA excludantur. Sed hi, quidem filium EX TESTAMENTO intra TRIGINTA annos se hereditati immiscere posse, ex l. 3. C. de praescr. 30. l. 40. ann. tradunt: postea autem, tempore illo praeterlapso, liberos, quasi, omissa causa testamenti, ex Edicto successorio, eiusque primo capite, unde liberi, intra idem temporis spatium bona paterna petere, hoc tandem elapso, intra idem tempus longissimum, tanquam AGNATOS ex secundo capite, tandem, IVRE COGNATIONIS, ex capite extremo, intra totidem annos, succedere parenti posse, profitentur.

At vero non potest esse obscurum, quam coacta sint illa, et a praeceptis iuris civilis aliena, quae in illam sententiam dicuntur. Primo enim, quae de bonorum possessione agnoscenda a Praetore constituta, non pertinent ad civilem illam petitionem hereditatis auitae aut paternae. Deinde heredi scripto VNA duntaxat et SIMPLEX hereditatis petitio competit, quam nouimus triginta annorum spatio excludi. Quandoquidem cui ex testamento hereditas delata est, is sub unico tantum,

HE-

HEREDVM INSTITVTORVM iure admittitur ad hereditatem. Imo uero etiam AB INTTESTATO hereditatis petitionem per triginta tantum annos patere, certum est. Vt non possit dubitari, iisdem XXX. annis simul illam, quae ex testamento tanquam heredi scripto competit, et illam, qua successores ab intestato utuntur, propter ius praescriptionis, sublatam esse: neque una per praescriptionem sublata, dari ad alteram regressum. Optime ANTON. FABER *ad Cod. L. VI. tit. XI. def. 3.* interpretum errore ad civilis successionis iura edictum successorium protrahum esse ait, idque commentum a recta quidem iuris ratione alienum, sed usque adeo tamen a plurimis receptum esse, ut supremarum quoque Curiarum decretis innumeris sit comprobatum. Plura de eo argumento idem ICTVS SABAUDIENSIS in *Tract. de error. Pragmat. et Interpret. iur. Ciu. Dec. 3.* tractat; et ESBACHIUS *ad Carpz. P. III. Const. XIV. def. 30.* erroribus Pragmaticorum illam de CXX. annorum praescriptione fabulam adnumerat, qua facile in foro iudiciario caremus.

XVI

SVPERVACVVM EST ILLVD EX FORI VSV
ARGVMENTVM

QVAE cum ita sint, frustra nonagenariae illius atque immemorialis praescriptionis, quam ad excludendam petitionem hereditatis auitae et paternae desiderant, patroni ad consensum multorum iudiciorum, qui illam sententiam in decidendis causis secuti sint, prouocant. Haec enim solo fundamento illarum iurisperitorum

in fin. BRUNNEMANNVS *ad l. 8. C. de iure delib.* BERGERVS *Oec. iur. L. II. T. IV. §. 54. n. II.* agnouerunt. Neque uero illa multorum contra legem scriptam et ciuilia praecepta conspiratio a quoquam impetrabit, ut caeco impetu, quae pluribus in peruertenda iuris disciplina placuerunt, continuo sequamur, et in tanto dissensu, opinionem, quae omnium maxime ab arte nostra abhorret, contra officium iusti interpretis probemus

XVII

IO. SICHARDO RESPONDETUR

Sed quid faciemus de Sichardo, qui ex *anno VTILI*, quem Praetor per *L. 1. §. 12. D. de Succ. ed. et L. 2. pr. D. quis ord. in bon. poss. seru.* liberis ac parentibus ad bonorum possessionem petendam liberaliter concesserat, uti supra obseruatum est, collegit, liberis post triginta annos, quorum lapsu finitur hereditatis petitio, adhuc annum concedi posse, intra quem bonorum possessionem illis petere liceret. Huic uero Ioannes Iacobus WISSENBACHIVS, *in Exercit. XIV. ad Lib. XXXVIII. D. §. 19.* abunde satisfecit. Enimuero Praetor tempus petendae bonorum possessionis, propter summam ipsius breuitatem, quae iniqua esse uidebatur, IGNORANTIBVS currere noluit, ideoque tempus *VTILE* concessit. Sed nunquam Praetori in mentem uenit, heredes scriptos illo iure post triginta annos, quibus hereditatis petitio excluditur, uti posse. Neque enim Praetoris beneficium diutius quam Ciuille remedium durabit. Plura in eandem sententiam BACHOVIVS *ad Treutl. Vol. II. Disp. XV. th. 1. lit. F.* disputauit

XVIII

XVIII

IVRE CIVILI HEREDITATI PATERNÆ
XXX. ANNIS PRAESCRIBITVR

RECTIVS igitur in CIVILI petitione hereditatis, etiam AVITAE et PATERNÆ, non Praetorem, sed CIVILIS REMEDII NATVRAM sequimur. Sed nemini obscurum est, actionem civilem, qua hereditas petitur, mixtam esse, l. 7. C. de *petit. hered.* ideoque PRAESCRIPTIONE quidem LONGI TEMPORIS non submoueri, sed exemplo omnium mixtarum actionum, quod l. 3. C. de *praescrip.* 30. l. 40. ann. definitur, post triginta demum annos expirare. Enimuero IVRIS REGVLAM in omnibus, quae non EXCEPTA sunt, generaliter sequimur: ut non appareat, quid nos mouere possit, ut liberis petitionem hereditatis paternae, et avitae per tempus longius, invita lege, producamus. Luculenter de illo argumento Scabini Halenses a Regimine Mannsfeldensi aliquando consulti in causa C. F. I. qui bona avita vindicaturus, hereditatis petitionem elapsis triginta nouem annis contra A. L. heredes instituerat, M. Mart. 1735. in hanc fere sententiam responderunt:

Daß die angebrachte Klage nicht statt habe, quanquam actor NONAGENARIAM suae actionis praescriptionem, inuocata VVESENBECCII, CARPZOVII aliorumque auctoritate studiose defendisset.

Cuius ab illis responsi hae rationes adductae sunt:

Nämlich Kläger die anponirte exceptionem praescri-

quod liberi 90. demum annis a petitione hereditatis paternae et auitae excludantur,

V Vernh. Sel. Obs. P. III. obs. LXIX. ibique alleg. und hierbey zum Grunde setzen, quod nempe liberi ex triplici capite: unde liberi, unde legitimi, et unde cognati succedere, adeoque triplicato illo tempore ad hereditatem uenire possint,

Berg. Oec. iur. L. II. T. IV. th. 54. n. II.

Stryck annot. ad Lauterb. Tit. de her. pet. in fin.

Brunnem. ad l. 8. C. de iur. delib.

Solchemnach es sich veranlassen will, daß diesen Einwendens ohngeachtet wider Befl. auf die Einlassung zu erkennen gewesen.

D. A. U. D. hauptsächlich die in denen gemeinen Rechten beziehle 90. Jährige praescription nirgends begründet, wie solches mit vielen Gründen behauptet

Berg. l. c. et in Resol. Lauterb. Tit. de succ. edicto.
it. Rec. 299.

Nic. Resol. Pract. II.

Lynck. Resol. 252. et 399.

Stryck. V. mod. ff. de acquir. l. omit. hered. §. 3.

Auch, wenn schon besonders DD. Saxonici sich auf eine beständige hergebrachte Obseruanz beruffen,

Philippi obs. pract. Inst. L. 3. eclog. 34.

Carpz. P. III. Const. XIV. def. 30

Dennoch selbige allhier nicht zu appliciren, vielmehr so viel das Herzogthum Magdebl. und die dessen Rechten unterworfenen Lande angehet, schwerlich eine dergleichen Gewohnheit rechtlicher Art nach zu erhärten, wie denn auch Kläger dergleichen zu allegiren nicht geschickt gewesen, im Gegentheile denen gemeinen und Landes Gesetzen gemäß, quod liberi petendo hereditatem paternam triplici actionis genere, nimirum unde liberi,

liberi, unde legitimi, unde cognati sich zu erfreuen haben, allein dergestalt und also, daß sie eine unter diesen actionen binnen 30. Jahren erwehlen, gestaltsam

Magdebl. Pol. Ordn. C. LII. §. I.

ausdrücklich decidiret, daß in allen actionibus realibus, personalibus et mixtis nach 30. Jahren keine action mehr statt finden solle, und, daß solche alhier längst verstrichen, außer Streit ist: So haben wir hiernach gesprochen.

XVIII

IVRE SAXONICO XXXI. ANNIS ET TERMINO SAXONICO FINITVR PETITIO HEREDITATIS AVITAE ET PATERNÆ

Sed de SAXONIBVS CARPZOVIVS P. III. *Const. XIV. def. 30. §. 9.* testatur, illos LIBERIS ac PAREN-
TIBVS NONAGINTA ANNORVM spatium concedere, quia IVS
CIVILE sequantur in illa parte, in qua nihil speciatim
iure SAXONICO sit constitutum. Sed supra compro-
batum, ne IVS CIVILE quidem favere NONAGENARIAE
PRAESCRIPTIONI, adeoque temere asseritur, eodem
nos iure uti IN SAXONIA, propter IVRIS CIVILIS apud
nos auctoritatem. Rectius IVS PATRIVM, L. I. LandR.
Art. 29. expressum sequimur, quod omnibus rebus
TRIGINTA ANNIS ANNO ET DIE praescribi iubet.
Eodem enim spatio RES etiam INCORPORALES pe-
rimuntur. Vt dubitari non possit HEREDITATEM et-
IAM AVITAM ET PATERNAM liberis eripi, qui per TEM-
PUS LONGISSIMUM IVRIS SAXONICI illam vindica-

CL· AVCTORI PRAESES

Mirifice gaudeo de ingeniorum liberali-
um prouentu. Nulla re magis labo-
rat Iurisprudencia, et forum, quam
sterilitate bonarum mentium; quibus, tantum
abest, ut abundemus, ut potius conquiren-
dae sint undique, et cum cura e tenebris pro-
trahendae in lucem. De TE quidem, V. C.
spem optimam concipio. Non attigi hoc
TVVM opusculum, quod ante paucos abhinc
dies ad me attulisti. Neque enim temporis
ratio ferebat, ut quaedam mea adspere-
rem, neque institutum TVVM. Enimuero id
agitur inprimis in hoc genere scriptionis, ut
rationes reddamus temporis non male collo-
cati, atque, ut intelligatur, quo fructu uer-
sati simus in iuris disciplina. Igitur nolui tur-
bare TVOS circulos, quos scite ordinasti.
Neque dubito, DEVM immortalem, ex uoto
meo, his coeptis successus prosperos datu-
rum. Vale. Dab. Vitembergae d. 17. Octobris,
Anno, quam Salus parta est,
c15 lccc xxxviii

A0114471706